



অবিলম্বে প্রকাশের উদ্দেশ্যে: 5/1/2023

গভর্নর ক্যাথি হোকল

গভর্নর হোকল ও দ্য ন্যাশনাল হারিকেন সেন্টার নিউ ইয়র্ক স্টেটে হারিকেনের প্রস্তুতি সপ্তাহের ঘোষণা করছে

হারিকেন ও ট্রপিক্যাল ঝড়ের প্রভাব মোকাবিলা করতে নিউ ইয়র্ক বাসীদেরকে সচেতন করে তুলতে এই বার্ষিক প্রচার প্রস্তুত করা হয়েছে

হারিকেনের মৌসুমের আগে আবহাওয়া সংক্রান্ত রিয়েল-টাইম সতর্কতা ও নোটিফিকেশন পেতে নিউ ইয়র্ক বাসীদেরকে NY-অ্যালার্টের জন্য সাইন আপ করতে উৎসাহিত করা হচ্ছে

গভর্নর ক্যাথি হোকল ও দ্য ন্যাশনাল হারিকেন সেন্টার আজ হারিকেন প্রস্তুতি সপ্তাহের ঘোষণা করেছে, যেটি 30 এপ্রিল থেকে 6 মে পর্যন্ত চলবে। এছাড়া আসন্ন 2023 আটলান্টিক হারিকেনের মৌসুমের আগে নিউ ইয়র্ক বাসীদেরকে নিজেদের ব্যক্তিগত প্রস্তুতি পরিকল্পনাগুলোর পর্যালোচনা করতে উৎসাহ দেওয়া হয়েছে। হারিকেন ও ট্রপিক্যাল ঝড় হলো এমন বিধ্বংসী আবহাওয়া পরিস্থিতি, যা থেকে মৃত্যু এবং ভয়ঙ্কর ক্ষয়ক্ষতি হতে পারে। ঝড়ের পর বেশ কয়েক সপ্তাহ, মাস, এমনকি কিছু কিছু ক্ষেত্রে কয়েক বছর ধরেও কমিউনিটির সদস্যদেরকে এর প্রভাবের মোকাবিলা করতে হয়। [ন্যাশনাল হারিকেন সেন্টার](#) (National Hurricane Center, NHC) এর সাথে যৌথ উদ্যোগে এই বার্ষিক প্রচারের আয়োজন করা হয়েছে, যাতে ট্রপিক্যাল ঝড়, কিভাবে প্রস্তুতি নিতে হয় এবং হারিকেনের সময় কিভাবে নিরাপদে থাকতে হয় ও ঝড়ের পর পরিষ্কার-পরিচ্ছন্নতার কাজ করার সময় কী কী মাথায় রাখতে হয়, সে ব্যাপারে নিউ ইয়র্কের বাসিন্দাদেরকে ওয়াকিবহাল করা যায়।

1 জুন থেকে 30 নভেম্বর পর্যন্ত আটলান্টিক হারিকেন সিজন চলতে থাকে। ন্যাশনাল ওশিয়ানিক অ্যান্ড অ্যাটমোসফিয়ারিক অ্যাডমিনিস্ট্রেশন (National Oceanic and Atmospheric Administration, NOAA) এবং NHC এর তথ্য অনুযায়ী, আটলান্টিকে 2022 সালে 14টি নাম দেওয়া বা জ্ঞাত হারিকেন ছিল। 2023 সালের হারিকেনের সিজন শুরু হতে আর মাত্র এক মাস বাকি। এই পরিস্থিতিতে গভর্নর হোকল নিউ ইয়র্কের বাসিন্দাদেরকে আগেভাগে প্রস্তুত হওয়ার আবেদন জানিয়েছেন।

"বিধ্বংসী হারিকেন হোক বা শীতের ভয়ানক ঝড় কিংবা অন্য কোনো আবহাওয়া সংক্রান্ত পরিস্থিতি, সব ক্ষেত্রেই নিউ ইয়র্কের বাসিন্দাদেরকে নিরাপদ রাখাই আমার প্রথম লক্ষ্য," **গভর্নর**

হোকল বলেন। "দায়িত্ব গ্রহণ করার পর প্রথম মাসেই যখন নিউ ইয়র্ক স্টেট জুড়ে হারিকেন আইডা (Hurricane Ida) তাণ্ডব চালায়, তখন আমি প্রত্যক্ষভাবে দেখেছি যে আমাদের কমিউনিটির উপর হারিকেনের বিধ্বংসী প্রভাবে কেমন হয়। হারিকেনের মতো বিধ্বংসী ঝড়ের প্রভাবের হাত থেকে সর্বোত্তম উপায়ে নিউ ইয়র্ক স্টেটের বাসিন্দাদেরকে সুরক্ষা প্রদান করার জন্য আমার প্রশাসন সরকারের সকল স্তরের পার্টনারদের সাথে কাজ করা চালিয়ে যাবে।"

গভর্নর হোকল ভবিষ্যতের ঝড়গুলোর মোকাবিলায় কমিউনিটির প্রতিরোধ আরো মজবুত করে তোলার জন্য গভর্নরের অফিস অব রেজিলিয়েন্ট হোমস অ্যান্ড কমিউনিটির তরফ থেকে একটি অ্যাকশন প্ল্যানের কথা 2022 সালে ঘোষণা করেছিলেন। প্রস্তাবিত পরিকল্পনাটিতে জলবায়ু পরিবর্তনের প্রভাবসমূহের সঙ্গে মানিয়ে নিতে অধিবাসীদেরকে সাহায্য করার পাশাপাশি ঐতিহাসিক কাল থেকে সুবিধাবঞ্চিত কমিউনিটিগুলোকে অগ্রাধিকার প্রদান করবে এমন উদ্যোগগুলোতে সহায়তা করার জন্য 41.2 মিলিয়ন মার্কিন ডলারের ফেডারেল তহবিল প্রদান করা অন্তর্ভুক্ত করা হয়েছে। দুর্যোগকালীন ব্যক্তিগত সহায়তা প্রদানের প্রেসিডেনশিয়াল ঘোষণা অনুযায়ী ডাচেস, নাসাউ, অরেঞ্জ, রকল্যান্ড, সাফোক ও ওয়েস্টচেস্টার কাউন্টি সহ নিউ ইয়র্ক সিটির বাইরের কাউন্টিগুলোর জন্য কর্মসূচিগুলো উন্মুক্ত রয়েছে। এছাড়া গভর্নরের অফিস একটি [ওয়েব পেজের](#) ব্যবস্থা করেছে, যেখানে পরিষ্কার-পরিচ্ছন্নতা এবং পুনরুদ্ধার সংক্রান্ত প্রচেষ্টার জন্য রিসোর্স এবং ট্রাণের লিঙ্ক সহ আইডা প্রভাবিতরা অন্যান্য সাহায্য পেতে পারেন।

ডিভিশন অব হোমল্যান্ড সিকিউরিটি অ্যান্ড এমার্জেন্সি সার্ভিসের কমিশনার জ্যাকি ব্রে বলেন, "প্রত্যেক বছরের গ্রীষ্মে ট্রপিক্যাল ঝড় এবং হারিকেনের কারণে যে ভারী বৃষ্টিপাত, ঝোড়ো হাওয়া এবং বন্যা হয়ে থাকে, সে ব্যাপারে নিউ ইয়র্কে সমুদ্র উপকূলবর্তী অঞ্চলে বসবাসকারীরা ওয়াকিবহাল। দুর্ভাগ্যজনকভাবে, স্টেটের অন্যান্য অঞ্চলে, কখনো কখনো উপকূলবর্তী অঞ্চল থেকে কয়েকশন মাইল দূরে, উঁচু জায়গাগুলোতেও এর প্রভাব আমরা দেখতে পাচ্ছি। হারিকেন সংক্রান্ত প্রস্তুতিতে অগ্রাধিকার দিতে এই সপ্তাহ এবং মাস জুড়ে নিউ ইয়র্কের বাসিন্দারা যাতে সময় বের করেন, তা গুরুত্বপূর্ণ: আপনার ঝুঁকি জানুন, ওয়াকিবহাল থাকুন এবং একটি পরিকল্পনা প্রস্তুত রাখুন।"

ন্যাশনাল হারিকেন সেন্টারের ডিরেক্টর মাইকেল ব্রেনান বলেন, "আসন্ন হারিকেন সিডনের জন্য প্রস্তুত থাকতে আমি নিউ ইয়র্কের সব বাসিন্দাকে উৎসাহ দিচ্ছি। আপনার ঝুঁকি জেনে নেওয়াটা প্রথম পদক্ষেপ। আপনি যদি সমুদ্র উপকূলবর্তী এলাকাতে বসবাস করেন, তাহলে ঝড়ের আশঙ্কার কারণে আপনার কোনো সুরক্ষিত জায়গায় চলে যাওয়ার প্রয়োজন রয়েছে এবং সেই সংক্রান্ত পরিকল্পনা প্রস্তুত আছে কিনা তা দেখুন। আপনি উপকূলবর্তী এলাকা থেকে কয়েকশ মাইল দূরে, মূল ভূখণ্ডের দিকে বসবাস করলেও, ভারী বৃষ্টিপাতের কারণে সেখানে বন্যার প্রভাব পড়তে পারে। নিউ ইয়র্কে 2021 সালের আইডার ক্ষেত্রে আমরা যেমনটা দেখেছি যে, গত 10 বছরে ট্রপিক্যাল ঝড় এবং হারিকেন থেকে সবচেয়ে মারাত্মক প্রভাব হয়ে উঠেছে অতিরিক্ত বৃষ্টির কারণে হওয়া বন্যা।"

হারিকেন সুরক্ষা

সকল নিউ ইয়র্কবাসীকে জানতে হবে কিভাবে ট্রিপিক্যাল ঝড়ের খবর রাখতে হয় এবং সঠিক সময়ে অ্যালার্ট পেতে হয়, যা তাদেরকে জানিয়ে দেবে সুরক্ষিত স্থানে চলে যাওয়া সহ নিরাপদে থাকার জন্য তাদেরকে কী কী করতে হবে। সঠিক সময়ে আবহাওয়া সংক্রান্ত অ্যালার্ট পাওয়ার সর্বোত্তম উপায় হলো [NY-অ্যালার্টের](#) জন্য সাইন আপ করা, এটি একটি ফ্রি সার্ভিস, যা আবহাওয়া এবং অন্যান্য জরুরি পরিস্থিতি সংক্রান্ত অ্যালার্ট দেয়।

আপনি ও আপনার পরিবারের অন্যরা যাতে সুরক্ষিত থাকতে পারেন, তা নিশ্চিত করার জন্য এই পদক্ষেপগুলো নিতে পারেন:

- বাড়িতে আপৎকালীন পরিস্থিতির জন্য একটি পরিকল্পনা তৈরি করুন এবং সকল ক্ষেত্রেই কিভাবে পরিবারের সদস্যদের সাথে যোগাযোগ রাখতে হয়, তা জানুন। শহরের বাইরে থাকা বা পরিবারের কোনো সদস্যকে "আপৎকালীন সময়ে পরিবারের যোগাযোগের ব্যক্তি" করুন এবং পরিবারের সব সদস্যের কাছে যাতে সেই ব্যক্তির যোগাযোগের তথ্য থাকে তা নিশ্চিত করুন।
- আপৎকালীন সময়ে মিটিং করা বা একত্রিত হওয়ার জন্য একটি নির্দিষ্ট জায়গা প্রস্তুত করুন - এমন একটি পরিচিত স্থান যেখানে পরিবারের সদস্যরা দেখা করতে পারেন, যদি বাসস্থান অ্যাক্সেস করা না যায়।
- আপনার কমিউনিটিতে হারিকেন এবং ঝড়ের ঝুঁকি সম্পর্কে জানুন।
- আপনি যদি সমুদ্র উপকূলবর্তী এলাকার কাছাকাছি বসবাস করেন, তাহলে আপনার এলাকায় অতীতে ঝড়ের মারাত্মক প্রভাবের যে নজির রয়েছে সে ব্যাপারে বিশদ, কমিউনিটির সতর্কতার সংকেত এবং সুরক্ষিত স্থানে চলে যাওয়ার পরিকল্পনা সম্পর্কে জানুন, যার মধ্যে রয়েছে মূল ভূখণ্ডের দিকে থাকা সুরক্ষিত রুট এবং সরকারি ত্রাণশিবিরের লোকেশন।
- ঝড়ের সময় বাড়ির পোষ্য পশু-পাখিদেরকে কোথায় নিয়ে রাখবেন তা জেনে নিন - অধিকাংশ ত্রাণশিবিরে এগুলো রাখার অনুমতি নেই।

এই জিনিসগুলো হাতের কাছে রাখুন:

- পর্যাপ্ত পরিমাণে শুকনো বা পচবে না এমন খাবার ও সুপেয় জল, যা 10 দিন পর্যন্ত চাহিদা মেটাবে।
- ব্যাটারি চালিত রেডিও এবং ফ্ল্যাশলাইট ও পর্যাপ্ত পরিমাণ ব্যাটারি।
- প্রাথমিক চিকিৎসার জন্য প্রয়োজনীয় ওষুধপত্র।
- গুরুত্বপূর্ণ ডকুমেন্ট: একটি ওয়াটারপ্রুফ কন্টেইনারে বিমার নথিপত্র, মেডিকেল রেকর্ড, ব্যাংক অ্যাকাউন্ট নম্বর, সোশ্যাল সিকিউরিটি কার্ড ইত্যাদি রাখুন।
- নগদ অর্থ, চেকবুক, ক্রেডিট কার্ড এবং এটিএম কার্ড।
- আপৎকালীন সময়ে যোগাযোগ করার জন্য একটি কন্ট্যাক্ট লিস্ট এবং সংগঠনের তালিকা, যাদেরকে কল করা যেতে পারে: স্কুল, চিকিৎসক, পরিষেবা প্রদানকারী এবং বিমার জন্য যোগাযোগের তথ্য।

নিম্নোক্ত প্রতিরোধমূলক পদক্ষেপ নিন:

- আপনার বাড়ি যথাযথভাবে সুরক্ষিত রাখার জন্য প্লাইউডের মতো মেটেরিয়াল সংগ্রহ করে রাখুন।
- বৃষ্টির পানি বেড়িয়ে যাওয়ার জন্য ড্রেনেজ ব্যবস্থায় সমস্যা থাকলে তার সমাধান করুন।
- লনের মধ্যে রাখা আসবাবপত্র এবং আবর্জনা ফেলার ক্যান ও বাগানের নানা টুলের মতো জিনিসপত্র নিরাপদে রাখুন বা ভিতরে নিয়ে আসুন। ঝোড়া হাওয়ার সময় এগুলো বাইরে থাকলে বিপজ্জনক হতে পারে। এছাড়া নিম্বেজ গাছের ডালপালা ছাঁটুন ও ঝোপঝাড় থাকলে তা পরিষ্কার করুন।
- ঝড়ের আগে বিমার আওতায় কী কী ক্ষয়ক্ষতি থাকতে পারে তা ভালোভাবে দেখে নিন।
- আপৎকালীন পরিস্থিতিতে কোথায় নৌকা রাখবেন তা ঠিক করুন।
- NOAA ওয়েদার রেডিওতে জাতীয় আবহাওয়া সেবার সম্প্রচার শুনে এবং স্থানীয় টেলিভিশন ও রেডিও স্টেশনের রিপোর্টের মাধ্যমে, স্থানীয় আবহাওয়া পরিস্থিতি সম্পর্কে ওয়াকিবহাল থাকুন।
- বাড়িতে কিভাবে বিদ্যুৎ সংযোগ, হিট এবং পানির সংযোগ বন্ধ করতে হয় তা জানুন।

আরো তথ্যের জন্য DHSES সুরক্ষা ও প্রতিরোধের পেজটি ভিজিট করুন
এখানে <https://dhses.ny.gov/safety>।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)